

# Službene novine Federacije BiH, broj 59/13

Na osnovu člana 79. stav 1. tačka 4) Zakona o matičnim knjigama ("Službene novine Federacije BiH", broj 37/12), federalni ministar unutrašnjih poslova donosi

## PRAVILNIK

### O IZMJENAMA I DOPUNAMA PRAVILNIKA O TEHNIČKOJ ZAŠTITI OBJEKATA I PROSTORA ZA SMJEŠTAJ I ČUVANJE MATIČNIH KNJIGA, SPISA I MATIČNOG REGISTRA

#### Član 1.

U Pravilniku o tehničkoj zaštiti objekata i prostora za smještaj i čuvanje matičnih knjiga, spisa i matičnog registra ("Službene novine Federacije BiH", broj 68/12) u članu 8. stav 1. iza tačke 6) dodaje se nova tačka 7) koja glasi:

"7) da se u toj prostoriji mogu nalaziti samo matičari i druga službena lica zadužena za poslove matičnih knjiga."

#### Član 2.

Iza člana 8. dodaje se novi član 8a. koji glasi:

#### "Član 8a.

U prostoriji iz člana 8. ovog pravilnika moraju se osigurati uvjeti za prijem stranaka radi upisa podataka u matične knjige. Prostorija treba da ima dovoljno prostora za nesmetan rad matičara ili drugog službenog lica sa strankom ili njenim punomoćnikom koja učestvuje u postupku upisa činjenica u matične knjige ili u postupku vođenja upravnog postupka radi utvrđivanja činjenica koje se upisuju ili mijenjaju u matičnim knjigama, te radni sto i stolice za matičara i stranku, kao i druga sredstva koja su potrebna za nesmetan rad matičara.

Uvjeti iz stava 1. ovog člana moraju biti osigurani zbog činjenice da se u toj prostoriji obrađuju podaci i činjenice koje se odnose na lične podatke građana, pa se moraju primijeniti mjere zaštite tih podataka i činjenica koje su utvrđene u Zakonu o zaštiti ličnih podataka ("Službeni glasnik BiH", br. 49/06 i 76/11), jer se ti podaci ne mogu obrađivati u prostoriji u kojoj se nalazi šalter-sala niti u prostorijama u kojima se obavlja druga vrsta poslova koji ne spadaju u poslove matičnih knjiga.

Uvjeti iz stava 1. ovog člana moraju biti osigurani u roku od tri mjeseca od dana stupanja na

snagu ovog pravilnika.

Stvaranje uvjeta iz stava 1. ovog člana osigurava općinski načelnik, odnosno gradonačelnik na prijedlog rukovodioца općinske/gradske službe za upravu nadležne za matične knjige."

### **Član 3.**

#### **Član 12. mijenja se i glasi:**

"Jedinstveni Centralni matični registar smješten je u posebnoj prostoriji Federalnog ministarstva koja je pod posebnim mjerama fizičke, tehničke i protivpožarne zaštite i sa posebnim električnim napajanjem i osiguranim stalnim klimatskim uvjetima prilagođeni uvjetima rada u prostoriji.

Ulazak u prostoriju u kojoj se nalazi registar iz stava 1. ovog člana je rekstriktivan i pristup imaju samo lica koja imaju posebno ovlaštenje.

Serveri pozicionirani u sklopu Centralnog matičnog registra sadrže lične podatke građana iz svih matičnih knjiga sa područja Federacije koji se obrađuju u skladu sa Zakonom o zaštiti ličnih podataka ("Službeni glasnik BiH", br. 49/06 i 76/11), a štite se posebnim mjerama sigurnosti predviđene za zaštitu tajnih podataka u skladu sa Zakonom o zaštiti tajnih podataka ("Službeni glasnik BiH", br. 54/05 i 12/09).

Mehanizmi hardverske zaštite te mehanizmi i protokoli softverske komunikacije i softverskog pristupa Centralnom matičnom registru moraju biti projektovani i instalisani pod posebnim mjerama zaštite, a njihova specifikacija čuvana u tajnosti.

Mjere zaštite i sigurnosti iz st. 1. do 4. ovog člana utvrđuju se posebnim aktom koji će donijeti federalni ministar."

### **Član 4.**

Ovaj pravilnik stupa na snagu narednog dana od dana objavlјivanja u "Službenim novinama Federacije BiH".

Broj 01-03-02-1-168  
24. jula 2013. godine  
Sarajevo

Ministar  
**Predrag Kurteš**, s. r.